

UNITED NATIONS



NATIONS UNIES

INTERNATIONAL CRIMINAL TRIBUNAL
FOR THE FORMER YUGOSLAVIA

CHURCHILLPLEIN 1, P.O. BOX 13888
2501 EW THE HAGUE, THE NETHERLANDS
TELEPHONE: +31 70 512-5000
FAX: +31 70 512-8637

TRIBUNAL PÉNAL INTERNATIONAL
POUR L'EX-YOUGOSLAVIE

CHURCHILLPLEIN 1, B.P. 13888
2501 EW LA HAYE, PAYS-BAS
TELEPHONE: +31 70 512-5000
FAX: +31 70 512-8637

Predmet br. IT-09-92-PT
Tužilac protiv Ratka Mladića

JAVNO

ODLUKA

SEKRETAR SUDA,

IMAJUĆI U VIDU Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

IMAJUĆI U VIDU Pravilnik o postupku i dokazima, koji je Međunarodni sud usvojio 11. februara 1994. godine, s naknadnim izmjenama i dopunama (dalje u tekstu Pravilnik), a posebno pravila 44, 45 i 62(B) Pravilnika;

IMAJUĆI U VIDU Uputstvo za dodjelu branioca po službenoj dužnosti, koje je Međunarodni sud usvojio 28. jula 1994. godine, s naknadnim izmjenama i dopunama (dalje u tekstu: Uputstvo), a posebno članove 7, 8 i 11(B) Uputstva;

IMAJUĆI U VIDU Profesionalni kodeks branilaca koji postupaju pred Međunarodnim sudom (dalje u tekstu: Profesionalni kodeks), a posebno članove 9 i 14 Profesionalnog kodeksa;

IMAJUĆI U VIDU da je g. Ratko Mladić (dalje u tekstu: optuženi) 31. maja 2011. godine prebačen u sjedište Međunarodnog suda i da je njegovo prvo stupanje pred sud održano 3. juna 2011. godine, a ponovno prvo stupanje pred sud 4. jula 2011. godine;

IMAJUĆI U VIDU da je 1. juna 2011. godine, u skladu s pravilima 45(C) i 62(B) Pravilnika, zamjenik sekretara imenovao g. Aleksandra Aleksića, advokata iz Srbije, za dežurnog branioca optuženog, u svrhu njegovog prvog stupanja pred sud i, po potrebi, rješavanja drugih pitanja dok se ne imenuje stalni branilac;

IMAJUĆI U VIDU da je optuženi zatražio da mu se, na osnovu članova 7 i 8 Uputstva, dodijeli branilac kojeg će plaćati Međunarodni sud, zbog toga što nema dovoljno sredstava da sam plati branioca;

UZIMAJUĆI U OBZIR da je 22. jula 2011. godine, postupajući po članu 11(B) Uputstva, zamjenik sekretara imenovao g. Branka Lukića, advokata iz Srbije, za

glavnog branioca optuženog na period od 120 dana, utvrdivši da je neophodno da branilac bude privremeno imenovan kako bi se obezbijedilo da pravo optuženog na branioca ne bude ugroženo dok Sekretarijat razmatra da li je optuženi u mogućnosti da sam plati branioca;

UZIMAJUĆI U OBZIR da je 18. novembra 2011. godine, v. d. zamjenika sekretara produžio imenovanje g. Lukića kao branioca optuženog na period od još 120 dana, počev od 19. novembra 2011. godine;

UZIMAJUĆI U OBZIR da je 23. februara 2012. sekretar imenovao g. Miodraga Stojanovića, advokata iz Bosne i Hercegovine, za subranioca g. Lukića;

UZIMAJUĆI U OBZIR da Sekretarijat provodi istragu o sposobnosti optuženog da sam plati branioca i da je ta istraga još uvijek u toku;

UZIMAJUĆI U OBZIR da je sekretar odlučio da je potrebno da se imenovanje g. Branka Lukića nastavi na privremenoj osnovi kako bi se obezbijedilo da pravo optuženog ne bude ugroženo dok Sekretarijat provodi istragu;

OVIM ODLUČUJE da produži imenovanje g. Branka Lukića kao branioca optuženog za dodatni period od 120 dana, a ova odluka stupa na snagu 17. marta 2012. godine.

/potpis i pečat na originalu/

John Hocking,
sekretar

Dana 16. marta 2012. godine
U Haagu,
Nizozemska